

John Hodgson di SOGA

Financiadonan di Hospital satisfecho cu proyecto di construccion y renobacion

ORANJESTAD - Despues di precisamente un aña cu a cuminsa cu trabounan na e proyecto di construccion y di edificacion nobo y renobacion di e edificio actual di Dr. Horacio E. Odubear Hospitaal, a opta pa tene un reunion cu e financiadonan pa haci un presentacion di con leuana trabounan ta andando.

E reunion tabata parti entre splicacion, entrega di documentonan y un "tour" na e facilidad, pa por a mira progreso den e trabounan andando. "Mi ta sigur cu e publico di Aruba ta bay ta hopi contento cu loke e ta bay mira," segun sr. John Hodgson di SOGA.

John Hodgson, kende ta President di Stichting Onroerend Goed Aruba (SOGA) a expresa di ta hopi contento con e proyecto ta desaroyando, specialmente e forma profesional cu ta trahando. SOGA ta satisfecho cu te awor e proyecto ta canando na tempo y den e presupuesto stipula. Ta custumbra cu den proyectonan grandi



asina, ora cuminsa mesora "trabou extra" ta bin, pero cu e contratista aki, te awor no tin nada di esey. "Mi ta sigur cu e publico di Aruba ta bay ta hopi contento cu loke e ta bay mira. Pa Aruba e ta bay ta un tremendo proyecto" asina John Hodgson, Presidente di SOGA a señala. E reunion mas bien tabata pa muestra progreso di henter e proyecto na e banconan y duna nan e nivel di confianza necesario cu e proyecto ta moviendo bon y na tempo.

Reunionnan regular

Reunionnan regular asina ta pa e financiadonan por compronde unda e compania ta cu construccion. Pa loke ta construccion di e prome fase,

e toren nobo pa pashent mes-ter ta cla pa habri na october 2016, "Medical Office Building" mester ta cla pa februario 2016 y "Central Energy Plant" mester ta cla pa juli 2016. Trabounan di renobacion di e edificio existente lo dura dos aña y mester ta cla pa juli 2018.

Percura pa financiamiento

Den caso di e proyecto di construccion y renobacion di e edificio di Hospital, SOGA a percursu pa financiamiento y pa maneha y mantene e edificio nobo pa 25 aña largo. SOGA ta partner cu AIB-Bank, cu ta conta cu sosten di 18 instituto financiero local y internacional pa cera e suma total di 252.7 miyon florin, cu ta inclui gastonan di construccion, 4 aña di supervision, compra di e edificio actual, pago na arkitecto, preparacion y hopi mas.

Randall Croes, -Presidente y Director di Sagor Life Insurance tambe a atende e reunion di financiadonan y a bisa di ta sinti cu e construccion ta bayendo segun e programacion. Ta importante cu



e financiado por proyecta cu lo inverti tanto placa durante proceso di construccion y cu ta cumpli cu e programa pa percursu cu tin e fondonan disponibel na tempo. "Nos ta mira cu e proyecto aki ta bay contribui masha hopi na nivel di bida di e ciudadano, e ta un infraestructura necesario". No solamente e ta duna un retorno di inversion pa esunnan cu a fia, pero tambe pa comunidad e ta un retorno a base di inversion den miho calidad di bida.

Durante e presentacion na e financiadonan, tabata tin presentacion di AIB-Bank, SOGA, Hospital y di e arkitecto cu a duna detaye di e trabounan andando. E invitadonan a haya informacion clave, manera kico e proyecto ta costando te awor, cuanto a inverti caba den dje, cuanto placa falta pa inverti ainda, ki tempo lo haci e inyeccionnan aki, etc.

Splica financiadonan

A splica e financiadonan cu entretanto e parkeerplaats pa empleadonan, situa na e parti west di edificio ta cla, tambe a caba cu e entrada special pa Ambulance, construyendo awor tres edificio nobo, esta e MOB; Central Energy Plant; y un edificio nobo di 6 piso pa brinda cuida na pashentnan, den cual lo inclui un departamento pa mucha, un centro di emergencia, un centro di ginecologia y un centro di parto.

Hospital ta miho den Caribe

E arkitecto di "Bermello Ajamil & Partners (B&A)" a enfatisa cu e hospital aki ta un di e miho nan den henter Caribe. E poblacion di Aruba no ta di 60 mil habitante mas, pero ta riba 110 mil hende y kier por atende tur enfermedad miho posibel sin cu mester gasta placa pa manda pashent afo. Prefera di purba duna servicio na Aruba mes unda cu tin famia y cuida cu ta yuda nan cura mas lihe. □

